

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. VI. Præcipua difficultas circa evidentiam in attestante fuit in primo
Angelo.

urn:nbn:de:hbz:466:1-13826

TOM. II.

attestationis seu divini testimonii. Hinc David 2. Regum 23. v. 24. *Dixit Deus Israël mihi, locutus est fortis Israël sicut lux aurora, oriente Sole, mane absque nubibus rurilat:* hæc plus denotant, quā cognitionem obscuram. Hæc tamen evidētia non impedit quo minus simul per alia motiva potuerint habere Fidem.

SECTIO SEXTA.

*Principia difficultas circa evidentiam
in attestante fuit in primo
Angelo.*

I.
*Principia
difficultas
esse evidētia
de primo
Angelo, cui
Deus per se
mysteria
revelavit.*

*Nulla Fidei
motiva ita
habuit pri-
mus Ange-
lus.*

II.
*Dicitur nequit
illum adūm
Angeli non
esse evidē-
tia.*

III.
*Evidētia
attestationis
causat evi-
dētiam at-
testanti.*

IV.
*Etiam pri-
mus Ange-
lus non ha-
buit ullius
modo moralem,
& quæ nullo modo pareret clara-
ram cognitionem rei revelata,*

TOTA itaque difficultas devolvitur ad Angelos, præsertim primum, reliquos enim per primum fuisse illuminatos, communis cum Divo Thoma est Theologorum sententia. Primum itaque Angelo evidenter constabat mysterium Trinitatis exempl. gra. sibi à Deo fuisse revelatum, hanc quippe revelationem sibi fieri, clarè videbat, nec ab alio provenire posse quā à Deo. Cū ergo aliunde naturali lumine ipi esset evidētissimum, quicquid Deus dicit, esse verum, habebat evidētiam in attestante Trinitatis, & aliorum mysteriorum, qua Deus ipsi revelabat, nec illa alia habuit motiva, aut species obscuras, quibus inevidētum de iis cognitionem, seu fidem eliceret, ergo non habuit fidem, quod tamē suprā numero primo, cum communi Theologorum sententiā diximus non esse concedendum.

Huic difficultati variè variis respondent. Valsez 1. p. 10. 2. Disp. 135. cap. 3. ait actum illum, quo Angelus ex revelatione & veracitate Dei evidenter cognitis, infert existentiam mysterii, seu rei revelata, non esse evidētum, sicquæ nihil obstat quo minus dici possit actus Fidei. Sed contra: nam ut Sect. 3. num. 6. & sequentibus ostendi, actus ille est evidens qui oritur ex duobus evidētibus, cū ergo hic actus sit ejusmodi, negari nequit eum esse evidētum. Videatur Sectio illa tertia, ubi hoc est fusé declaratum.

Torrez, ut loco etiam proximè citato diximus, affirmat: cū illum, qui ex divino testimonio, Deique veracitate evidenter cognitis, procedit, esse quidem evidētum, non tamen simpliciter, sed tantum secundum quid, nec rerum in se, sed solum in attestante. Verum hoc etiam rejectum est Sect. 3. n. præcipue nono; actus enim omnis, qui initio obiecto formaliter evidētum, est evidētum, & rerum etiam in se veritatem, quantvis per medium extrinsecum evidenter ostendit, & intellectum cogit ad assensum.

Ad difficultatem ergo propositam dico, etiam primum Angelum non habuisse evidētiam attestationis seu testimonii divini neque Trinitatis, nec alterius cuiuscunq; mysterii, sed tantummodo moralē, & quæ nullo modo pareret claram cognitionem rei revelata, nec cum necessitatet ad assensum, sed non minus ad hoc egreditur piæ affectione, quā nos ad assentendum mysticiis nobis propositis eadē indigemus: ita Medina 1. 2. quæst. 67. art. 3. dub. 1. Granado 2. parte, Disp. 3. Sect. 3. n. 13. Bannez hic, q. 5, art. 1. & prima parte, q. 32. art. 1. idem affirmare videtur Valentia q. 5. & alii, estque satis frequens inter recentiores opinio.

Ut verò rem hanc declarem, notandum locutionem hanc primo Angelo à Deo factam, non alio modo contigisse, quā vivam mysterii credendi apprehensionem in illius intellectu formando, quod eo sine faciebat Deus, ut Angelus occasione inde sumeret assensum illi mysterio præbendi: quamvis verò dicta apprehensione non fuerit signum naturale hujus Dei intentionis, sed ad hoc peculiariter à Deo instituta, ex variis tamen colligere potuit Angelus hanc Dei ordinacionem & institutionem, & hanc esse vocem Dei sibi loquentis, cū non verba tantum, sed alia res quæcumque esse possint voces, si ad hoc intituantur, ut constat in surdis ac mutis, qui per signa internos suos conceptus aliis aperiunt, & illorum similiter mentem percipiunt.

Plura autem sunt, ex quibus, tanquam ex motivis credibilitatis extrinsecis colligere potuit Angelus, apprehensionem illam in ipsis intellectu productam, fuisse vocem Dei, qua cum allocuebatur: prīnō, quia mysterium, quod per apprehensionem illam representabatur, Deum lus appre-exempli gratia esse remuneratorem, & premium pro bonis operibus reddere, pñnas pro malis infligere, est recte ratione maximè conscientium, atque in providentia ac bonitate Dei fundatum. Secundò, quod moraliter loquendo nulla sitratio cur Deus tamē, tamque extraordinariam apprehensionem in ejus intellectu formet, nisi ut cum per illam illuminet, cāque velut voce utatur ad ipsum hac de re instruendum. Tertiò, probable in primis Angelo videri potuit, si mysterium illud esset verum, magnum se illud credendo bonus consequi posse, è contra verò nullum esse periculum mali, si invincibiliter creditur falsum, at verò non parum subesse potest periculi si verum non creditur. Ex his & aliis, quæ facilè quivis ex cogitare potuit motivis, evidens erat moraliter illi Angelo hanc apprehensionem fusse vocem Dei, qua illi intimare voluit dari tale mysterium, sicutque elicere potuit actum Fidei, quo illud ita esse crederet quia Deus dixit.

Evidētia itaque metaphysicè erat Angelo, hanc apprehensionem sibi à Deo esse impressam, non tamen ei erat nisi moraliter evidens eam fuisse Dei locutionem, cū ad varios alios fines, præterquam ad ipsi loquendum potuerit ei Deus illum inmittere, ut apprehensionem Trinitatis aut Incarnationis infundere illi potuit ad tentandum ejus ingenium, quod præceptoribus in more est, qui ut discipulorum ingenium probent, res eis interdum difficiles proponunt, ut videant quid de iis sint dicturi. Hæc ergo apprehensione non est essentialiter locutio, & consequenter quantumvis sciret evidenter Angelus eam esse à Deo, non tamen propterea sciebat evidenter esse locutionem, & eo animo à Deo immissam, ut per illam aliquid ipsi significaret.

Ad quod clarius percipiendum, notandum ex S. Thoma quæst. 12. de Prophetiâ, art. 7. Corp. duo ad Prophetiam requiri, nempe ut quis signum seu cognitionem accipiat, & insuper ut sciat quid significet, que duo, ut constat, sunt inter se separabilia. Hinc, inquit S. Doctor, Pharao, quamvis ut refertur Gen. 41 sub boum & spicarum figuris, fertilitatis ac sterilitatis futura signum accepit, non tamen dicendus est Propheta, cū rerum per illud significatarum notitiam ex eo non accepit, sed Propheta fuit Josephus, qui per illa signa res etiam significatas didicit, ac prædictit. Sic ergo audire potest quis

quis locutionem, & tamen non scire quod sit locutio.

IX.
Deus per simplicem rei alicuius representationem, si p̄ Propheta est locutus.

Quod verò hac ratione Deum cum Angelis loqui non repugnat, ex eo clare constat, quod hoc modo Iep̄ius cum Prophetis eum locutum esse sit manifestum, per simplicem scilicet quādam apprehensionem & representationem imaginariam, illam ulterius ad aliquid aliud significandum ordinando. Sic Danielis locutus est per visionem quatuor bestiarum, de mari ascendentium, ut haberetur Danielis septimo. Zacharias etiam vidit virum in equo rufu inter Myteria; & alia id genus pluriua, quorum plenæ sunt sacra literæ. Has autem veras fuisse Dei locutiones constat, nam ad aliquid aliud significandum semper ordinabantur, ut patet ex contextu. Unde Zacharias cap. i. vers. 7. huic visioni premittunt: *Factum est verbum Domini ad Zachariam &c.* Num. etiam 12. vers. 6. dicit Deus: *In visione apparebo ei, vel per somnum loquar ad illum.* Per simplicem ergo rei alicuius apprehensionem loqui etiam Deus potest Angelo.

X.
Ex hac apprehensione à Deo immisā non poterat evidenter sciendi, Angelus, cum rem per illam significatam dicere.

Dices: Deus ita rem hanc Angelo per apprehensionem illam proposuit, ut evidenter, evidentiā saltem morali ei constaret esse Dei locutionem, & teneretur eam credere, saltem quoad specificationem, ita nimirū ut non posset illi discentire, ergo evidenter hinc sciebat Angelus Deum rem illam affirmare, & consequenter eam esse veram. Negatur tamen consequentia, illa enim apprehensio non magis in unam partem ex se Angelum inclinabat, quam in alteram: & licet, ut suprā n. 6. ostendi, ex variis motivis colligere probabiliter posset eam esse Dei locutionem, certò tamen hoc ei non constabat. Hinc nihilominus non tenebatur Deus apprehensionem illam in Angelo non producere, utitur enim hac in re iure suo, & creaturas suas pro libito producit. Hoc verò mirum videri non debet in hac apprehensione, cum ut supra diximus, miracula etiam patrare possit, licet inde homines permissive, & prater Dei intentionem decipiatur. Unde sicut in superioribus ostendimus de hominibus, ita nunc dico de Angelis, posse scilicet eos per accidens obligari ad credendum falso, ex infirmitate nimirū creature, summaque ad res divinas & supernaturales improportionē. Idem etiam exigitur de primo homine, eum scilicet evidentiā in attestante non habuisse.

Dixi primam Dei ad Angelum locutionem fuisse simplicem apprehensionem, non judicium, quia conformius est natura rationali, ut hoc modis non vi ad mysterii alicuius assensum rapiatur,

sed motivo aliquo proposito inducatur. Dein de, si primus ille actus à Deo impressus Angelo, fuissest judicium, jam antecedenter necessitatus fuissest ad credendum, ita ut illo instanti discedere non potuisset, cùm eodem instanti reali idem affirmare simul & hegare nemo possit.

SECTIO SEPTIMA.

Vtrum actus Fidei esse possit evidens in attestato.

A C̄tus ille Fidei dicitur evidens in attestato, qui tendit in objectum, quod aliunde per medium scientificum innoscit, ut Deum esse, & similia. Quærimus itaque an circa objectum hoc modo cognitum dari simul possit actus Fidei. Hanc difficultatem latè discussi in Logica, Disp. 50. ubi dixi, non solum circa idem objectum posse simul in eodem intellectu dari scientiam & fidem, sed etiam in eodem actu posse utramque hanc ratione inveniri. Quia, cùm ibi fuissest sint disputata, nihilque iūs hic addendum occurrat, huic rei in praesenti non censeo diutius insistendum.

Quares, utrum sicut cum scientiā, ita etiam cum visione beatā stare possit Fides divina. Huc etiam objectionē respondi Disputationē illā 50. Logice, Sect. 3. num. 7. quia tamen Theologica est, hīc eam breviter proponendam exigitur. Dico itaque, cùm per visionem beatam, quā de facto datur, omnia quā hic in via obscurā sunt, & ad Fidem concurrant, clare videantur, ipsa nimirū revelatio, & omnia motiva, quae jam vident cum rebus quas credebant fuisse metaphysicā connexa, miracula scilicet & alia ad hunc finem fuisse à Deo facta, ut nimirū attestarentur mysterio quod tunc credendum proponebatur; hīc inquam omnia cum clare videantur, nulla manet obscuritas, in qua fundetur Fides, sed omnis actus est evidens in attestante, ut in superioribus est declaratum. Si tamen visio beatā talis esset, ut per eam objectum tantum materiale actus Fidei videretur, non revelatio, nec motiva, existimō cum tali visione beatificā stare posse actum Fidei divinā. Unde per divinā potentiam unā cum visione clarā Dei stare in eodem intellectu potest & actus Fidei, & habitus. Sed de his satis in praefenti; plura hac de re adjiciuntur postea, Disp. 19. sectione secundā.

